

Pueblo ta musta di ta sostene Alfonso Boekhoudt completamente

ORANJESTAD (AAN): E sosten di pueblo pa cu e nombramento di Alfonso Boekhoudt como Gobernador di Aruba, ta creciendo! Especialmente riba Social Media, por mira con mas y mas hende ta expresa nan mes abiertamente, di ta totalmente di acuerdo cu e decision di Rey Willem Alexander, pa Boekhoudt bira nan representante na Aruba. Hasta un "Meme" a wordo traha di esaki, y centenas di hende a cumenza comparti e imagen aki riba Social Media. Ademá di



esey, tin hopi hende desapunta riba e forma con Gobierno kier pinta Alfonso Boekhoudt e siman aki. Varios punto ya caba a wordo desbarata, incluyendo e informe con e proceso a tuma lugar tempo cu el a wordo nombra como Ministro Plenipotenciario di Aruba na Hulanda. E tempo ey ya caba Alfonso Boekhoudt tabata retirando di Aruba Ports Authority, y tabata bayendo pa biba na Hulanda pa motibonan personal. Aki el a ricibi yamada di un Ministro (cu no ta Premier Eman)

riba e posibilidad pa e ocupa e puesto aki na Den Haag. Hopi admirable ta e reaccion rond pueblo cu ta expresando nan mes abiertamente cu nan ta pro, y sosteniendo Alfonso Boekhoudt cu su nombramento nobo. Pueblo di San Nicolas tambe ta contento cu porfin un yiu di barío ta haya un puesto asina importante.

Lider di oposicion tambe a roga Gobierno pa stop cu e 'wega kinderachtig' aki, y stop di busca guerra cu Cas Real. E imagen aki pa cortesia di "Aruba Memes".